



ХӨДӨЛМӨРИЙН ГАВЬЯАНЫ УЛААН
ТУГИЙН ОДОНТ
АРЬСНЫ ӨВЧИН СУДЛАЛЫН
ҮНДЭСНИЙ ТӨВИЙН ЗАХИРЛЫН
ТУШААЛ

2024 оны 05 сарын 22 өдөр

Дугаар А/21

Улаанбаатар хот


Сургалтын хяналтын зөвлөлийн
дүрэм батлах тухай

Эрүүл мэндийн сайдын 2017 оны А/33, 2020 оны А/226 дугаар тушаалын хавсралтаар батлагдсан "Резидент эмчийн ажиллах үлгэрчилсэн журам"-ын 3.2 дахь заалт, Эрүүл мэндийн хөгжлийн төвийн 2024 оны 437 дугаар үүрэг даалгаврыг тус тус үндэслэн ТУШААХ нь:

1. "Сургалтын хяналтын зөвлөлийн дүрэм"-ийг хавсралтаар баталсугай.

2. Энэ дүрмийг үйл ажиллагаандаа мөрдөж ажиллахыг Сургалтын хяналтын зөвлөлд, журмын хэрэгжилтийг зохион байгуулж, биелэлтэд хяналт тавьж ажиллахыг Сургалтын албаны дарга (Б.Лхагвасүрэн)-д тус тус даалгасугай.

ЗАХИРАЛ



Ц.УРАНЧИМЭГ

АӨСҮТ-ийн Захирлын 2024 оны
05 дугаар сарын 21-ний өдрийн
А/21... дугаар тушаалын хавсралт

Сургалтын хяналтын зөвлөлийн дүрэм

9020031090
ХТҮ4419 9104224

Нэг.Нийтлэг үндэслэл

1.1.Энэхүү дүрмийн зорилго нь төгсөлтийн дараах Арьс судлалын үндсэн мэргэшлийн сургалт эрхлэх зөвшөөрөл бүхий байгууллага (цаашид “сургалт эрхлэх байгууллага” гэх)-д эмнэл зүйн сургалтад суралцагч резидент эмч ажиллан суралцах, сургалтаас чөлөөлөгдөх, төгсөхтэй холбоотой үйл ажиллагааг зохицуулах, зохион байгуулахад оршино.

1.2.Зөвлөл нь байгууллагын орон тооны бус хэлбэрээр ажиллана.

1.3.Зөвлөл нь резидент эмчийн суралцах, сургалтаас чөлөөлөгдөх, төгсөх үйл ажиллагааг зохион байгуулах үндсэн чиг үүрэгтэй байна.

1.4.Зөвлөлийн дарга, гишүүн аливаа ашиг сонирхлын зөрчлөөс ангид байж, шударга ёс, суралцах эрх чөлөөг эрхэмлэн, ёс зүйг чандлан, холбогдох хууль тогтоомжийг баримталж ажиллана.

Хоёр. Зөвлөлийн бүрэлдэхүүн

2.1.Сургалтын алба, эмнэл зүйн тасаг, нэгж, сувилахуйн алба, захиргааны алба, чанарын алба, эмнэл зүйн сургагч багш, резидент эмч-ээс бүрдсэн 9 хүний төлөөлөлтэй байна.

Гурав.Зөвлөлийн үйл ажиллагаа

3.1.Сургалтын хяналтын зөвлөл нь сургалт эрхлэх байгууллагын даргын шууд удирдлага дор ажиллана.

3.2.Сургалтын хяналтын зөвлөл нь үндсэн мэргэшлийн сургалтын хэрэгжилтэд хяналт тавих, тулгамдсан асуудлыг судалж танилцана.

3.3.Резидент эмчтэй холбоотой бүх асуудлыг ярилцаж, шийдвэрлэх арга замыг судалдаг орон тооны бус зөвлөл байна.

3.4.Зөвлөл нь Эрүүл мэндийн асуудал хариуцсан төрийн захиргааны төв байгууллагаас зөвшөөрсөн хэм хэмжээг дагаж мөрдөнө.

3.5.Зөвлөл нь улиралд нэг удаа тогтмол, шаардлагатай үед шуурхай хуралдана.

Дөрөв.Сургалтын чөлөө олгох, чөлөөлөх

4.1.Сургалтын алба нь сургалтаас чөлөө олгох, чөлөөлөх шийдвэрийг сургалтын хяналтын зөвлөлд танилцуулан, сургалт эрхлэх байгууллагын даргын шийдвэрээр баталгаажуулж Эрүүл мэндийн хөгжлийн төвд тухай бүр хүргүүлнэ.

4.2.Резидент эмчийг дараах үндэслэлээр нэг жил хүртэл хугацаагаар сургалтаас чөлөөлнө:

4.2.1.Жирэмсний болон амаржсаны амралттай, хүүхэд асрах чөлөөтэй;

- 4.2.2.Цэргийн жинхэнэ алба хаасан, энхийг сахиулах ажиллагаанд оролцсон;
- 4.2.3.Өөрийн болон гэр бүлийн гишүүний биеийн эрүүл мэндийн байдлын улмаас эмчлүүлж сувилуулсан;
- 4.2.4.Эмнэлгийн шинжилгээ хийлгэсэн, донорын үүрэг гүйцэтгэсэн;
- 4.2.5.Гэрч, хохирогчийг хамгаалах тухай хуулийн дагуу хамгаалалтын арга хэмжээнд хамрагдсан;
- 4.2.6.Явцын шалгалтад хангалтгүй үнэлгээтэй, төгсөлтийн шалгалтад орох эрх үүсээгүй.
- 4.3.Сургалтаас чөлөөлөгдсөн резидент эмч үргэлжлүүлэн суралцах хүсэлтээ чөлөөний хугацааг дуусахаас ажлын 10-аас доошгүй хоногийн өмнө сургалтын албанд бичгээр гаргах бөгөөд сургалтын төлбөр болон сургалтын хөтөлбөрийн тооцоо байхгүй тохиолдолд резидент эмчийг сургалт эрхлэх байгууллагын даргын шийдвэрээр үргэлжлүүлэн суралцуулна.
- 4.4.Резидент эмчийг дараах тохиолдолд сургалтаас хасна:
- 4.4.1 Хүндэтгэх шалтгаангүйгээр нэг ба түүнээс дээш сар хүртэлх хугацаагаар сургалтаас завсардсан;
- 4.4.2.Эмнэлгийн мэргэжилтний ёс зүйн ноцтой зөрчил гаргасан.
- 4.4.3.Резидент эмч өөрийн хүсэлтээр сургалтаас татгалзсан;
- 4.4.4.Резидент эмч хөтөлбөрийн агуулгыг хугацаанд нь дүүргээгүй;
- 4.4.5.Албан ёсоор чөлөө аваагүй болон чөлөө авсан хугацаандаа эргэн ирээгүй.
- 4.5.Сургалтын алба нь резидент эмчид 7 хоног хүртэлх сургалтын чөлөөг эмнэл зүйн сургагч багштай тохиролцож бичгээр, 1 сар хүртэлх сургалтын чөлөөг сургалт эрхлэх байгууллагын даргын шийдвэрээр тус тус олгоно.
- 4.6.Сургалтаас чөлөөлсөн, чөлөө олгосон тохиолдолд сургалтын хөтөлбөрийг нөхөх төлөвлөгөөг сургалтын алба гаргаж, резидент эмч, эмнэл зүйн сургагч багштай хамтран баталгаажуулсан байна.
- 4.7.Сургалтаас чөлөөлөгдсөн, чөлөө авсан резидент эмч сургалтын хөтөлбөрийн зөрүүг төлбөртэйгөөр нөхөн суралцаж, тухайн тойролтын тооцоо дууссан тохиолдолд дараагийн тойролтод үргэлжлүүлэн суралцана.